

ohin iha Evajellu ita rona Jezús dehan “Buka uluk knanain Maromak nia reinu, no buat seluk sei haraik mos ba imi.” Atu halo buat ne’ebé Jezús husu ne’e; hader husi kama uluk nanain halo hodi Padre, reza orasau dader nian, molok han ita halo hodi Padre Reza, molok sai husi uma reza, molok hahu aula reza, nsst. (animador aumenta).

Tansa mak ita tau Maromak nudar prioridade ba ita nia moris, tamba ita nia moris ne’e nudar premio ida ita simu husi Maromak. Ita la selu buat ida, tan ne’e ita tenki agradece ba moris ne’e, hodi agradece uluk ida ne’ebé fo moris ne’e mai ita. Wainhira ita halo nune’e, ita hanesan tau bee ba ai-horis ida. Ita mak ai-horis, bee mak ita nia orasaun, Maromak sei tulun atu moris ne’e bele sai buras liu tan.



Katekese ba oratorio iha fulan Agosto 2014

FULAN AGOSTU no SETEMBRO 2014

Topiko ba fulan rua ne'e nian sei dezenvelope kona ba **PREMIO**

IDEIA: iha fulan rua ne'e nian laran sei koalia kona ba PREMIO. PREMIO tuir DB nia mehi mak hanesan iha ne'ebé nia deskreve katak PREMIO mak resultado husi sacrificio ida nian. Nune'e DB dehan "imi gosta premio sira karik, keta tauk hasoru difikuldade". Iha fulan rua ne'e nia laran sei fahe ita nia reflesaun kona ba PREMIO nian, ba SUB TOPIKO OI-OIN. Atu ita bele hatene no deskobre liu tan kona ba PREMIO nia aspeito sira. Hanesan tuir DB nia mehi kona ba DIAMANTE sanulu nian, oinsa guia no tulun ita nia oratorianu sira atu hatene agrades ba buat hotu ne'ebé sira simu no iha. Nune'e mai ita haklean hamutuk topiku ida ne'e iha ita nia formasaun Espiritual nian tuir ita Aman DB nia mehi ba ita nia oratoriano sira, ho sub topiko ruma ne'ebé sei dezenvelope tuir mai ne'e:

**SEMANA DAHULUK
LUTA BA REINO KSOLOK LOS NIAN**

Objective:

Atu labarik sira bele hatene kona ba oinsa luta ba reino ksolok los nian .
Atu labarik sira bele consciente liu tan kona ba luta ba reino ksolok los nian.
Atu labarik sira bele pratika lolos kona ba luta reino ksolok los nian.

Prosessu**Orasaun:.....****Hananu“HALO Ó NIA MORIS “**

Halo o nia moris hanesan aifunan ida
Nia funan atu hafunan mundo raik-laran
Fo ksolok ba ema hotu ne'ebé hare
Fo morin ba ema hotu nia moris
Halo mundo furak no kamnek liu.

Halo o nia moris hanesan lilin ida
Nia lakan atu leno mundo raik-laran
Leno dalan ne'ebé sei nakukun
Halo mundo sai naroman liu.

Laran metin ba Maromak

²²Tuir mai Nia dehan ba nia eskolante sira: “Tan ne'e mak Ha'u dehan ba imi: keta hanoin resin kona ba imi nia moris, no buat ne'ebé imi sei han, eh kona ba imi nia isin no oin sa imi sei hatais. ²³Basa moris folin liu fali aihan, no isin folin liu fali hatais. ²⁴Hare ba manu metan sira ne'ebé la kuda eh sohi, sira uma la iha atu rai aihan, no Maromak fo han sira. Maibe imi folin boot liu fali manu sira! ²⁵Imi ida ne'ebé, hodi hanoin resin, bele halo nia ain naruk liu sasukat ida? ²⁶Ne'e duni, imi la bele halo buat ne'ebé kiik liu karik, tan sa imi hanoin resin kona ba buat sira seluk? ²⁷Hanoin ba oin sa aifunan sira sai boot: sira la serbisu ka haka'as an, sira mos la soru; maibe Ha'u dehan los ba imi katak Salomao mos ho nia kmanek tomak la hatais hanesan sira ne'e ida. ²⁸Ne'e duni, Maromak ne'ebé fo hatais ba du't ita toos laran ne'ebé ohin iha no aban ema soe tiha ba ahi, liu tan mak Maromak sei fo hatais imi, ema fiar kiik! ²⁹Imi keta hanoin resin kona ba buat ne'ebé imi sei han ka hemu, keta laran la hakmatek; ³⁰basa gentiu sira iha mundu mak buka buat hirak ne'e hotu. Maibe imi nia Aman hatene katak imi kuran buat hirak ne'e. ³¹Buka uluk knanain Maromak nia reinu, no buat seluk sei haraik mos ba imi.”

³²“Bibi luhan kiik, keta tauk, basa imi nia Aman hakarak haraik reinu ba imi. ³³Faan imi nia rikusoi hodi fahe nudar esmola. Halo kohe sira ne'ebé la lakon, rikusoi ne'ebé la mohu iha lalehan, iha ne'ebé na'okten la bele hakbesik no ular la bele han. ³⁴Basa iha fatin ne'ebé imi haloot imi nia rikusoi, iha neba mos mak imi nia fuan sei hela ba.”

Perguntas

1. Jezús dehan ba nia eskolante sira dehan labele hanoin resin kona ba (imi nia moris, buat ne'ebé)
2. Jezús dehan imi boot liu fali manu sira. Liafuan imi ne'e, Jezús dehan kona ba se? (ita ema)
3. Jezús dehan uluk nanain buka saida? (Buka uluk Maromak nia Reinu, no buat seluk sei haraik ba imi.)
4. (animadores bele aumenta)

Sumario

Iha semana uluk ita nia katekese koalia kona saida? Brani manan tentasaun. Ohin ita koalia kona ba tau Maromak sai prioridade ba ema nia moris. Buka uluk Maromak, hafoin mak ita nia hakarak sira. Tan ne'e

SEMANA DAHA'AT**TAU MAROMAK SAI PRIORIDADE BA EMA NIA MORIS****Objektivu:**

Atu labarik sira bele hatene no tau Maromak nudar prioridade ba Moris.

Prosesu

Orasaun:....ORASAUN BA SÃO DOMINGOS SAVIO

São Domingos Savio, ne'ebé iha São João Bosco nia eskola, la'o lalais tuir dalan santidade nian. Ita mak dehan hodi halo tuir lia ne'e:"MATE DIAK LIU FALI HALO SALA". Tau matan ba ita nia maluk foisa'e sira, ne'ebé hetan susar oi-oin, hodi tuir ita nia dalan. Tulun ami banati tuir ita nia domin ba Jesus no ba Nain Feto Virgem Maria, hodi buka mos namanas atu soi ami nia maluk sira nia klamar. Nene'e ami mos sei sai Jesus no Maria nia belun iha rai ne'e, hodi haksolok hamutuk ho ita iha lalehan. Amen

Ilustrasaun: LARAN METIN BA NA'I**S-45**

Laran metin ba Na'i, halo buat ne'ebé los;

o sei hetan salvasaun iha mundu ne'e.

Buka deit Maromak, o sei hetan ksolok los,

nune'e mos s sei to'o o nia mehi.

1. Hasa'e o an tomak ba deit Na'i, se o fiar metin los.
Nia sei nafatin tulun o.
O nia diak hotu sei sai nabilan
hanesan loron iha nakukun laran.
2. Iha Na'i nia futar oin hein no hakmatek ba
ho fuan no neon metin hodi hein nafatin Nia.
La bele laran moras ba sira be hetan ksolok
hosi dalan sala nian maski sira sei riku.

MORIS NE'E SEI IHA FOLIN IDA
EMA HOTU SEI SIMU Ó NIA KSOLOK
LARAN METIN, FIAR METIN
TAN MAROMAK SEI FO BA O MORIS HAKMATEK
LARAN METIN, FIAR METIN
LORON IDA Ó SEI MORIS ROHAN LAEK.

Perguntas

1. Musika dehan halo ó/ ita nia moris hanesan ... saida?
- aifunan ida atu fo ksolok, fo morin ba ema no Halo mundo sai furak
no kamnek liu
- lilin ida lakan iha nakukun no lena ema nia dalan, nune'e halo
mundo sai naroman liu
2. Wainhira ita halo hanesan ne'e, loron ida ita sei hetan saida? (moris
rohan laek)
3. Tamba sa ita tenke fo ksolok ba ema? (tamba moris ne'e iha folin
boot)
4. ...

HAFORSA MUSIKA HO LEITURA HUSI BIBLIA: Mt 5: 1-12**Liafuan ksolok sira nian.**

¹Hare tiha ema lubun boot, Jesus sa'e ba foho ida. Wainhira Nia tur tiha, eskolante sira hakbesik ba Nia. ²Nia hahu hanorin sira hodi dehan: ³"Ksolok ba ema sira ne'ebé kiak iha laran, basa reinu lalehan sira nian. ⁴Ksolok ba sira ne'ebé tanis, basa sira sei hetan ksolok; ⁵ksolok ba sira ne'ebé laran kmaus, basa sira sei simu rai nudar liman rohan. ⁶Ksolok ba sira ne'ebé hamlaha no hamrook ba justisa, basa sira sei bosu. ⁷Ksolok ba sira ne'ebé laran luak, basa sira sei hetan laran luak. ⁸Ksolok ba sira ne'ebé laran mos, basa sira sei hare Maromak. ⁹Ksolok ba sira ne'ebé harii dame, basa ema sei hanaran sira Maromak oan. ¹⁰Ksolok ba sira ne'ebé ema fo terus tan buka justisa, basa reinu lalehan sira nian. ¹¹Ksolok ba imi wainhira, tamba Ha'u, ema hateten aat imi, duni imi no bobar lia bosok hasouru imi. ¹²Haksolok ba, foti neon ba, basa imi nia kolen boot liu iha lalehan; basa nune'e mos mak sira duni profeta sira ne'ebé mai uluk liu imi."

PERGUNTAS HODI HAKLEAN PASSAGEN BIBLIA NIAN:

1. Liafuan be ita foin rona ne'e se nia liafuan? (Jezús)
2. Jezús koalia kona ba saida? (ksolok)
3. Jezús dehan ksolok ba se? (ksolok ba sira be kiak iha laran,)
- ...

Sumario

Alin sira ohin iha knanuk, ita hananu dehan halo ita nia moris hanesan ai-funan, hanesan lilin atu fo ksolok ba ema seluk be moris ho ita. Moris hanesan ai-funan mak; ita hamnasa midar ho ema seluk, la hirus ema, halimar ho maluk sira, la halo kolega tanis nsst. Halo ita nia moris hanesan Lilin mak; tulun ema seluk, hatene halo belun ho kolega sira seluk, hamaluk ho kolega wainhira tur mesak, nsst.

Iha evanjellu Jezús hanorin mai ita, kona ba ksolok. Nia dehan, ksolok ba sira kiak iha laran, katak la bosok, la rai hirus. Ksolok ba sira tanis tamba lia loos, katak ita koalia lia loos maibe ema la fiar ita, ema la rona ita, ema hirus ita tan ita koalia lia loos. Ksolok ba sira hamlaha hamrook ba lia loos, katak ema hanehan ita, ita la sala ema dehan ita mak sala, ita la baku sira dehan ita mak baku, ita la naok sira dehan ita mak naok. No selu-seluk tan (animador bele aumenta).

Ba ema sira be halo hahalok diak hirak ne'e Jezús promete, sira ne'e sei hetan ksolok. Nune'e alin sira iha ita moris hanesan halo funu ida, atu bele manan ksolok be Jezús promete ne'e. se lae ita sei lakon Jezús nia promesa kona ba ksolok. Ema sira be hakaas-an sei manan ita be la hakaas-an sei lakon.

Ohin ha'u konvida imi mai ita hakaas-an iha laron-loron atu halo hahalok diak sira; la dun matak ema seluk, la rai hirus ba ema seluk, la foti/ naok ema seluk nia sasan. Hatene hamaluk ema seluk, halo belun ho ema hotu, tulun ita nia belun be presisa ka husu ita nia tulun.

**SEMANA DARUAK
ESPERANÇA BA FUTURO**

Objective:

Atu labarik sira hatene kona ba esperança ba futuro
Atu labarik sira bele consciente diak liu tan kona ba futuro
Atu labarik sira bele iha esperança ba future

Nia fila hodi hetan sira toba hela. Nia lia tun ba Pedro, "O toba, Simao? O kbiit la iha atu hein oras ida deit?" ³⁸Nia dehan ba sira, "Hader no harohan ba atu imi la bele monu ba *tentasaun*. Espiritu hakarak tebes, maibe isin kbiit laek." ³⁹Nia hadook an fali atu harohan ho liafuan sira hanesan uluk nian. ⁴⁰Nia fila fali hodi hetan sira toba hela, basa sira matan dukur tebes. Sira la hatene hatan buat ida ba Nia. ⁴¹Wainhira Nia fila ba dala tolu, Nia dehan ba sira, "Toba ona ba hodi hakmatek. Oras to'o ona, Oan Mane saran tiha ona ba ema maksalak sira nia liman. ⁴²Hamriik ba, ita la'o ona. Ema ne'ebé sei saran Ha'u mai besik dau-daun ona."

Perguntas

1. Evanjellu be foin ita rona, momento ne'e Jezús halo saida? (Jezús harohan/ reza)
2. Iha Jezús nia harohan ne'e, Jezús dehan saida? (Abba, Aman, buat hotu bele deit ba Ita. ...)
3. Jezús hetan nia eskolate sira toba hotu Nia dehan saida ba sira? (Hader no harohan ba atu imi la bele monu ba *tentasaun*.)
4.

Sumario

Labarik nia istoria be foin it rona koalia mai ita, kona ba sira nia familia nia situasaun be kiak, no nia manan ninia moe no tauk.

Iha Evanjellu tuir mai, Jezús hatoo mai ita, matan moris, hader harohan atu la monu ba tentasaun.

Iha istoria no Evanjellu, hakarak hanorin mai ita katak; ita tenki brani atu manan tentasaun. Tentasaun mak tauk, tantasaun mak moe, tentasaun mak matan dukur, nsst isisn nia hakarak sira. se labraik ne'e, la manan nia moe no tauk karik, ikus mai nia la haksolok basa nia la manan osan. Bele mos la eskola tamba nia papa labele selu nia eskola. Ho buat hirak hanesan ne'e mak Jezús husu mai ita atu harohan, reza ba Maromak, atu Nia bele tulun ita manan tentasaun sira ne'e. ita mesak, ita nia kbiit la too atu manan tentasaun ne'e, nune'e presisa harohan ba Maromak, atu nia haraik tulun mai ita, liu husi ita nia hanoin no hakarak rasik, husi anju sira mak liu husi ema seluk nia tulun.

Maria, hodi buka mos namanas atu soi ami nia maluk sira nia klamar. Nene'e ami mos sei sai Jesus no Maria nia belun iha rai ne'e, hodi haksolok hamutuk ho ita iha lalehan. Amen

Istoria

Loron ida, labarik kiik ida konta nia istoria nune'e. Ha'u nia aman ema karpinteiru ida be kiak, ha'u nia alin mos barak. Ha'u tenki buka serbisu atu selu ha'u nia eskola. Fila husi eskola, ha'u ba hein nia loja, husi tuku 14:00 too tuku 19:00. Too ihia uma ha'u kole liu, ha'u labele estuda tan. Fo-foun ha'u senti tristi liu no moe liu, hare ha'u nia kolega sira liu iha loja nia oin no sosa buat ruma iha loja ne'e. Neik-neik ha'u ha'u manan ha'u nia an hodi sebisu ho hakmatek, iha tempo ruma la mai sosa, ha'u halo ha'u nia TPC no estuda, le'e fali lisaun be ohin aprende iha eskola ka livru ruma.

Ha'u senti kontente ho ha'u nia sebisu ne'e. fulan ida ha'u manan \$ 40.00, hodi selu ha'u nia eskola, resin ha'u fo ba ha'u nia mama rai, atu ba selu ezame iha tempo ezame nian, no sosa ha'u farda sira.

Oras ne'e ha'u la moe tan ona no senti susar, ha'u haksolok tamba ha'u bele hetan osan mesak ona. No ha'u hein katak iha tempo oin mai ha'u sei haksolok. (PAM 335).

Perguntas

1. Labarik ne'e nia aman nia serbisu saida? (karpinteiro)
2. Labarik ne'e fofoun serbisu iha loja nia senti saida? (moe no tauk, ba nia kolega sira)
3. Labarik ne'e ikus mai nia senti saida? (haksolok)
4. ...

Evanjellu

Mc 14: 32-42

Jesus resa iha Getsemani

³²Sira to'o tiha to'os ida naran Getsemani, Jesus lia tun ba eskolante sira, "Hela iha ne'e ba. Ha'u sei ba atu harohan." ³³Nia lori Pedro, Tiago no Joao hamutuk ho Nia. Nia hahu laran taridu, laran tauk. ³⁴Nia dehan ba sira, "Ha'u laran susar to'o mate. Hela iha ne'e hodi hein ho matan moris ba." ³⁵Hakat uitoan ba oin, Nia monu ba rai hodi harohan katak bele karik, oras ne'e liu tiha housi Nia. Nia dehan: ³⁶"Abba, Aman, buat hotu bele deit ba Ita. Hasai tiha kalis ida ne'e housi Ha'u; maibe la'os buat ne'ebé Ha'u hakarak, maibe buat ne'ebé Ita hakarak." ³⁷Tuir mai,

Prosesu

Orasaun:.....

Knanuk/ istoria :

HOSI LALEHAN

S-33

1. Hosi Lalehan tau matan ba oan sira be la'o namkari iha mundu ho terus barak. Ho laran metin ami tau ba ita liman ami esperansa ba futuru be diak liu.

La'o iha strada ho haksolok

hamutuk ho Don Bosco,

ita hananu iha foin sa' e sira fuan

ita sei hetan Maromak nia domin (2x)

Istoria : Krus

Ai-hun tolu iha ai-laran, sira koalia ba malu konaba sira nia futuru. Sekarik ema tesi sira hodi usa atu halo ba furniture (deasenvolve). Loron sira deside atu harohan ba Maromak nune'e sira nia mehi ne'e bele tuir lolos hanesan sira hakarak.

Ai-hun dahuluk hahu harohan: ha'u harohan ba Ita Na'i tulun ha'u ba, atu loron ida ema sei tesi ha'u karik, halo ha'u hola parte iha palasio ida. Liurai nia hela fatin, atu nune'e wainhira liurai nia bainaka mai hateke mai ha'u hodi admira. (halo ha'u sai palasio ida nia odamatan, janela, se halo ba meja ka kadeira, tau ha'u iha palacio ida nia laran) *Ai-hun daruak* harohan nune'e: ha'u harohan Ita Na'i, atu tulun ha'u, loron ida ema tesi ha'u karik halo sai, ro ahi ida. Atu ha'u bele liu tasi hitu, no lao ba nasaun barak.

Ai-hun datoluk hahu nia harohan: ha'u husu ba Ita Na'i tulun ha'u ba, ha'u hakarak moris nafatin iha ai-laran, no sai aas liu ai-hun sira seluk iha ai-laran, hanesan liman fuan be hatudu ba Ita. Maroamk haraik duni ba sira buat ne'ebé sira husu, ba sira nia futuru. Ai-hun Primeiro halo ba Jezús nia bersu, fatin hodi hatoba Jezús wainhira sei bebe. Ai-hun segundo halo duni ba ba bero Jezús sa'e hodi liu iha tasi laran. Ai-hun datoluk, laos moris nafatin iha ai-laran maibe hamriik los nafatin hodi tara Jezús ba, sai Jezús nia kruz. Ai-hun datolu harii/ hamriik iha fatin aas, iha foho tutun, iha uma laran tau iha fatin aas, natin hatudu ba lalehan? Maromak.

HAFORSA AKTIVIDADE HO LEITURA HUSI BIBLIA: Mk, 10:17-31.**Foinsa'e ida ne'ebé riku**

¹⁷Wainhira Nia atu la'o ona, ema ida halai hasouru Nia, tuku tur ba rai hodi husu Nia, “Mestre diak, Ha'u sei halo sa atu bele hetan moris rohan laek?” ¹⁸Jesus hatan ba nia, “Tan sa o dehan Ha'u diak? La iha ema diak; Maromak mesak mak diak. ¹⁹O hatene ukunfuan sira: keta oho, keta halo adulteriu, keta na'ok, keta foti lia bosok hasouru ema, keta lohi ema, hamtauk o nia aman no inan.” ²⁰Nia hatan hodi dehan ba Nia, “Mestre, Ha'u moris tuir sira ne'e hotu houri kiik kedas.” ²¹Jesus fihir nia di-diak, hadomi nia hodi dehan ba nia, “Buat ida deit mak o sei kuran: ba, fa'an o nia sasan tomak, fahe ba ema kiak sira no o sei hetan rikusoí iha lalehan; hafoin, mai tuir Ha'u.” ²²Nia neon sala tebes tan liafuan hirak ne'e; nia ba ho neon nakraik, basa nia iha rikusoí barak.

²³Jesus, hateke hale'u, dehan ba Nia eskolante sira, “Susar tebes duni ba ema riku sira atu tama iha Maromak nia reinu.” ²⁴Eskolante sira hakfodak ho liafuan sira ne'e. Maibe Jesus dehan fali ba sira, “Oan doben sira, susar oin sa atu tama iha Maromak nia reinu. ²⁵Kuda kamelu ida atu tama iha daum nia kuak lalais liu fali ema riku ida atu tama iha Maromak nia reinu.” ²⁶Sira hakfodak liu tan hodi hateten ba malu, “Nune'e karik, ema se mak bele hetan maksoin?” ²⁷Jesus hateke ba sira hodi dehan: “Ba ema la bele, maibe ba Maromak lae, basa ba Maromak buat hotu bele deit.” ²⁸Pedro simu dehan ba Nia, “Ami husik buat hotu hodi tuir Ita.” ²⁹Jesus hatan, “Tebes Ha'u dehan ba imi; la iha ema ne'ebé husik uma, maun alin, bin feton, inan, aman, oan sira ka to'os tamba Ha'u no tamba liafuan diak, ³⁰ne'ebé sei la simu iha tempo ne'e uma, maun alin, bin feton, inan, oan no to'os sira dala atus ida liu fali uluk nian hamutuk ho susar oi-oin, no iha tempu ne'ebé atu mai, moris rohan laek. ³¹Maibe, ema barak ne'ebé uluk sei sai ikus, sira ne'ebé ikus sei sai uluk.”

Perguntas

1. Se mak husu perguntas ba Jezús? (foinsa'e ida)
2. Nia husu saida ba Jezús? (Ha'u sei halo sa atu bele hetan moris rohan laek?)
3. Jezús hatan ba foinsa'e be husu perguntas? (“o sei)
4.

Sumario

Iha (istoria/ hananu) be foin ita rona hatoo mai ita moris ida be ita sei ba hasoru iha loron aban bain rua nia. Ai-hun tolu be foin ita rona nia istoria ne'e ida-idak too iha nia hakarak be la hanesan. Ida be uluk sai duni sai duni hanesan nia husu, hela ihia liurai nia fatin. La sai meja, kadeira no selu-seluk tan, maibe sai bersu kiik-oan ida, sai liu-liu hotu nia liurai nia hela fatin/ toba fatin. Ai-hun daruak, la sai ro ahi, liu tassi hitu, husi nasaun ida ba nasaun seluk maibe, sai bero simples, Liurai hotu nia liu rai mak sa'e bero ne'e. ai-hun datoluk, la moris ba nafatin, maibe too iha nia mehi, hamriik loos, no aas hanesan liman fuan ida hatuddu ba lalehan. Ne'e sai Jezús nia Krus, hamriik iha fatin aas, hatudu ba lalehan.

Iha Evajellu, hanorin mai ita, halo buat ne'ebé iha Maromak nia ukun fuan, ita bele hetan premio moris diak ka moris rohan laek nian. Dalan loos mai ita atu tuir, mak dalan ne'ebé Jezús hatudu ba foinsa'e be husu perguntas ba Jezús. Ita mos bele husu hanesan foinsa'e ne'e husu ba Jezús; ha'u sei halo saida atu hetan moris rohan laek, ka hetan premio? Atu hetan premio uluk nanain ita tenki hakaas-an. Hanesan ai-hun karik ema tenki tesi, kua, kadoo, no selu-aeluk tan, atu bele too iha ita nia mehi ka premio ne'ebé sira mehi nune'e mos ita atu hetan premio moris dia, tenki hakaas-an serbisu; ajuda apa, ama iha uma, kuru bee, dasa rai, fase bikan, hein uma nsst. Iha estuda; la hirus maluk sira, labele too tarde iha eskola, estuda lisaun sira be mestre no mestra hanorin, atu izame hetan valor diak. Se ita la hakaas-an karik ita sei lakon deit buat ne'ebé ita mehi/ ka premio ne'ebé Maromak prepara ona mai ita.

**SEMANA DATOLUK
BRANI MANAN TENTASAUN**

Objektivu:

Atu labarik sira bele hatene oinsa brani manan tentasaun.

Atu labarik sira bele pratika oinsa brani manan tentasaun.

Prosessu**Orasaun:....ORASAUN BA SÃO DOMINGOS SAVIO**

São Domingos Savio, ne'ebé iha São João Bosco nia eskola, la'o lalais tuir dalan santidade nian. Ita mak dehan hodi halo tuir lia ne'e:"MATE DIAK LIU FALI HALO SALA". Tau matan ba ita nia maluk foisa'e sira, ne'ebé hetan susar oi-oin, hodi tuir ita nia dalan. Tulun ami banati tuir ita nia domin ba Jesus no ba Nain Feto Virgem